



Broj: 09-37-1502/22
Vogošća, 29.09.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 29.09.2022. godine donio je

**ODLUKU
O PONIŠTENJU OTVORENOG POSTUPKA NABAVKE RADOVA NA IZGRADNJI SPOMEN
OBILJEŽJA UBIJENIM MJEŠTANIMA NA LOKALITETU TIHOVIĆI-GRAB**

Član 1.

Poništava se Otvoreni postupak nabavke radova na izgradnji spomen obilježja ubijenim mještanima na lokalitetu Tihovići-Grab broj: 09-37-1502/22, jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Član 2.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 08.09.2022. godine donio Odluku o pokretanju Otvorenog postupka nabavke radova na izgradnji spomen obilježja ubijenim mještanima na lokalitetu Tihovići-Grab, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 08.09.2022. godine pod brojem: 1353-1-3-144-3-167/22.

Sažetak Obavještenja o nabavci objavljen je u "Službenom glasniku BiH" broj: 63/22 od 16.09.2022. godine.

Tendersku dokumentaciju sa Portala javnih nabavki BiH je preuzelo 9 (devet) ponuđača. Krajnji rok za dostavu ponuda bio je 27.09.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 27.09.2022. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Grbo kingstones" d.o.o. Sarajevo, broj int. knjige 359/22, sa ponuđenom ukupnom cijenom nabavke u iznosu od 12.803,25 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 09-37-1502/22 iz septembra 2022. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Grbo kingstones" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD je zahtjevano da je ponuđač kao izvođač radova u posljednjih 5 (pet) godina računajući od dana podnošenja ponude, realizovao minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 10.000,00 KM bez uračunatog PDV-a ili više pojedinačnih ugovora u ukupnom zbiru od 10.000,00 KM bez uračunatog PDV-a.

Kao dokazi za traženo tačkom 7.4.2. pod a) TD, a u skladu sa članom 48. stav 2. Zakona su propisani spisak izvršenih ugovora u ukupnom iznosu od 10.000,00 KM bez uračunatog PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca).

Ponuđač "Grbo kingstones" d.o.o. Sarajevo je u svojoj Ponudi propustio da dostavi Spisak izvršenih ugovora-Referenc listu sa Potvrdama o izvršenim ugovorima od druge ugovorne strane.

Ponuđač je u svojoj Ponudi (strana 65-66. Ponude) dostavio Ugovor o poslovnoj saradnji zaključen sa Medžlisom islamske zajednice Vlasenica, koji Komisija za javne nabavke nije mogla uzeti kao validan dokaz jer isti nije propisan ni odredbama TD a ni predviđen kao dokaz članom 48. stav Zakona o javnim nabavkama BiH.

- Tačkom 7.4.1. pod b) TD, a u skladu sa članom 51. Zakona od ponuđača su zahtjevano obrazovne i profesionalne kvalifikacije lica koja su angažovana na izvođenju konkretnih radova, i to između ostalih da ponuđači imaju na raspolaganju i 1 (jednog) NK radnika.

Tačkom 7.4.2. pod b) TD je propisano da su ponuđači dužni u ponudi dostaviti sljedeće pismene dokaze i to između ostalog za 1 (jednog) NK radnika potrebno je bilo dostaviti dokaze o radnom angažmanu (za traženu stavku se u obzir uzima i radnik sa većim stepenom stručne spreme).

Napomenom III iz tačke 7.4.2. pod b) TD je propisano da se kao dokazi o radnom angažmanu za sve tražene osobe mogu smatrati Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b) TD.

Ponuđač "Grbo kingstones" d.o.o. Sarajevo je u svojoj Ponudi propustio da dostavi dokaz da će imati na raspolaganju 1 (jednog) NK radnika.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na izgradnji spomen obilježja ubijenim mještanima na lokalitetu Tihovići-Grab, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Grbo kingstones" d.o.o. Sarajevo
2. Nadležnoj Službi
3. U dosije
4. a/a

kingstones.grbo@gmail.com

